



Città di Ozieri

AVISU PÙBLICU

**Agiudos a sos familiares de sos traballadores de sa
Sanidade chi sunt mortos de Covid-19
S'iscadèntzia pro sa presentatzione de sas dimandas
est su 4 de Martu de su 2023**

20/02/2023

S'INAIL at a pagare un'assignatzione econòmica ispetziale una borta solu (una tantum), a motivu de un'acordu sutiscritu, su 29 de su mese de Nadale, cun su Dipartimentu pro sas Polìticas de sa Famìlia de sa Presidèntzia de su Consizu.

Cun una comunicatzione, s'INAIL at fatu ischire chi sos **familiars de sos Dutores e de sos Professionistas de su settore Sanitàriu, de sos Assistentes Sotziales e de sos Operadores sòtzios-sanitàrios mortos de Covid-19** ant tempus finas a su **4 de su mese de Martu** pro presentare sa **dimanda pro retzire s'assignatzione econòmica ispetziale una tantum** posta in contu dae s'art.22 bis de su D.L.18/2020, mudadu cun cambiamentos dae sa lege 27/2020 e a pustis mudadu dae s'art.31 de su D.L.17/2022.

Presentatzione de sas dimandas

Sas dimandas divent èssere presentadas in su situ de s'Istitutu pro mèdiu de su servìtziu online "Ispetziale assignatzione familiares mortos Covid-19" e divent atènnere sas **mortes sutzessas intro a su 28 de su mese de Nadale de su 2022** pro càusa direta o comente cunseguèntzia de sa pesta Covid-19 cuntaminadu in su perìodu de s'emergèntzia, in su tempus intra a su 31 de Ghennarzu 2020 e su 31 de Martu 2022.

Sa dimanda podet èssere presentada a manera sùgula dae ogni beneficiàriu, totu impare dae uno de sos familiares frunidu de una dèlega fata a posta o dae unu terzu sugetu, cun tìtulu de rapresentàntzia legale o delegadu de su familiare.

S'ispetziale assignatzione s'at a dare pro mèdiu de su **dinari de su Fundu detzisu in sa Presidèntzia de su Consizu de sos Ministros**, cun una doda finantziària de **15 milliones de èuros**.

Sas maneras de presentatzione de sa dimanda e sas informatziones subra a sa documentatzione de allegare sunt iscritas bene in sa lìtera [tzirculare Inail n.1 de su 3 de Gennarzu de su 2023](#).

Àteras netzessidades de informatziones e de assistèntzia podent èssere presentadas pro mèdiu de su servìtziu “INAIL rispondet”.

Traduzione a cura de s'operadore de s'Isportellu
de Limba Sarda de Otieri
Progetu “Inoghe Puru” - Annualidade 2022
Finantiadu dae sa RAS cun sa L482/99 e cun sa L.R.22/2018

